



11-03-2019

Inatsisartut Suleriaasianni § 37 imm. 1 naapertorlugu Naalackersuisunut apeqquiti imaattut matumuuna saqqummiuppakka:

**Naalackersuisunut apeqquiti:**

**1. Suna pissutaava Kalaallit Nunaata ARCSARimut peqataatitaqannginneranut?**

**2. Naalackersuisut pilersaarutiginerlugu ARCSARimut saaffiginnissallutik siunertaralugu suleqatigiinnermut peqataalernissartik? Akissut tunngavilersoqquneqarpoq.**

(Inatsisartunut ilaasortaq Justus Hansen, Demokraatit)

**Tunngavilersuut**

Ulluni 26. - 28. februaari nunarsuarmioqatigiit suleqatigiiffiat ARCSAR Romami Italiami ilisaritinneqarpoq. ARCSAR annermik EU-mit aningaasalersorneqarpoq aqunneqassallunilu Bodømi norskit annaassiniartartuisa qullersaqarfiannit.

ARCSAR-imi siunertaavoq nunarsuarmi pisortaqarfiit, kattuffiit siuttullu sinniisaasa attaveqatigiilernissaat, issittumi atlantikullu avannaani ingerlatat amerliartornerat pissutigalugu sillimanissakkut aarlerinartutigullu pisoqarsinnaaneranut upalungaarsimanissap nukittorsarnissaa.

ARCSAR suleqatigiit 21-iupput nunani 13-ni ukunaneersut: Island, Savalimmiut, Tuluit Nunaat, Irland, Italien, USA, Rusland, Tyskland, Finland, Sverige, New Zealand, Canada aamma Norge.

Naallu Kalaallit Nunaat Issittumut ilaalluinnaraluartoq, Kalaallit Nunaanniit peqataasoqanngilaq.

Isumaqarpunga suliaq soqutiginaruusoq ippigalugulu kalaallinik peqataasoqanngimmat. Taamaattumik qilanaarpunga ullut sulliviit naliginnaasut qulit iluanni apeqqutima akineqarsinnaannut.